



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՔԱՂԱՔԱՇԻՆՈՒԹՅԱՆ,
ՏԵԽՆԻԿԱԿԱՆ ԵՎ ՀՐԴԵՀԱՅԻՆ ԱՆՎՏԱՆԳՈՒԹՅԱՆ ՏԵՍԶԱԿԱՆ
ՄԱՐՄՆԻ ԼՈՒՈՒ ՏԱՐԱԾՔԱՅԻՆ ԲԱԺԻՆ**

Ո Ր Ո Շ ՈՒ Մ N Ք/1665-2021-Ա/1

Վարչական տույժ նշանակելու մասին

ք. Վանաձոր

«17» հունվարի 2022թ.

Ես՝ ՀՀ քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ Տեսչական մարմին) Լոռու տարածքային բաժնի գլխավոր մասնագետ Աշոտ Նալբանդյանս, ուսումնասիրելով ՀՀ Լոռու մարզ, ք. Վանաձոր, Վարդանանց փող. թիվ 30/3 հողամաս հասցեում իրականացված ստուգումների արդյունքում 2021 թվականի դեկտեմբերի 8-ին կազմված թիվ Ք/1665-2021-Ա/1 ստուգման ակտը և վարչական վարույթի նյութերը՝

ՊԱՐԶԵՑԻ

Տեսչական մարմնի ղեկավարի 18.10.2021թ. թիվ Ք/1665-2021-Ա հանձնարարագրի հիման վրա Տեսչական մարմնի Լոռու տարածքային բաժնի կողմից 2021 թվականի նոյեմբերի 15-ից 16-ն ընկած ժամանակահատվածում ստուգումներ են իրականացվել ՀՀ Լոռու մարզ, ք. Վանաձոր, Վարդանանց փող., հ.30/3 հողամասում կլինիկայի կառուցման՝ քաղաքաշինության բնագավառում իրավական ակտերի պահանջների կատարման և պահպանման նկատմամբ: Իրականացված ստուգումների արդյունքում 08.12.2021թ. կազմվել է թիվ Ք/1665-2021-Ա/1 ստուգման ակտը, համաձայն որի, համայնքի ղեկավարի կողմից, սահմանված կարգի խախտումով տրվել է 27.04.2020թ. թիվ 91 ճարտարապետահատակագծային առաջադրանք, այն է՝ նախագծային փաստաթղթերի փորձաքննության ներկայացվող պահանջներ կետ 22-ում նշվել է փորձաքննության տեսակը՝ պարզ փորձաքննություն, սակայն համաձայն ՀՀ կառավարության 19.03.2015թ. թիվ 596-Ն որոշման թիվ 3 ցանկի 4-րդ կետի գ) ենթակետի՝ «կլինիկա» օբյեկտը դասվում է

կարևորագույն նշանակություն ունեցող օբյեկտների ցանկում և կառուցվող օբյեկտի մակերեսը կազմում է 2450.0 մ², որը դասվում է բարձր ռիսկայնության (IV կատեգորիա) օբյեկտների ցանկում, որի նախագծային փաստաթղթերը ենթակա են պետական համալիր փորձաքննության:

Խախտվել է «Քաղաքաշինության մասին» Հայաստանի Հանրապետության օրենքի 22.1-րդ հոդվածի 6-րդ ենթակետի պահանջը, այն է՝ ճարտարապետահատակագծային առաջադրանքը համայնքում տալիս է համայնքի ղեկավարը՝ Կառավարության սահմանած կարգով:

Համայնքի ղեկավարի կողմից թույլ է տրվել Վարչական իրավախախտումների վերաբերյալ ՀՀ օրենսգրքի 157.2 հոդվածի 1-ին մասով նախատեսված իրավախախտում, այն է՝ ճարտարապետահատակագծային առաջադրանքը, ինչպես նաև դրա տրամադրման համար ինժեներական սպասարկում իրականացնող ծառայության հարցման պատասխանը սահմանված ընթացակարգերի և ժամկետների խախտմամբ տրամադրելը կամ օրենքի խախտմամբ դրանց տրամադրումը մերժելը՝

առաջացնում է նախազգուշացում համայնքի ղեկավարի նկատմամբ:

Վարչական իրավախախտման վերաբերյալ գործի քննությունը նշանակվել է 2021 թվականի դեկտեմբերի 17-ին, ժամը 12:30-ին: Վանաձոր համայնքի ղեկավար Մամիկոն Ասլանյանը պատշաճ ծանուցվել է գործի քննության տեղի և ժամանակի մասին: Գործի քննությանը ներկայացել է Վանաձոր համայնքի ղեկավարի կողմից լիազորված անձ Սուրեն Աբովյանը՝ լիազորագիր տրված 11.10.2021թ. (նույնականացման քարտ՝ 2409890253, տրված՝ 01.12.2012թ. 018-ի կողմից), վերջինս կազմված ակտի վերաբերյալ առարկություններ չի հայտնել:

Հիմք ընդունելով վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 244"-րդ հոդվածի 2-րդ մասի 3-րդ կետով, 281-րդ հոդվածով և 282-րդ հոդվածի 1-ին կետով՝

ՈՐՈՇԵՑԻ

Վանաձոր համայնքի ղեկավար Մամիկոն Ասլանյանին (հասցեն՝ ՀՀ Լոռու մարզ, ք. Վանաձոր, Մոսկովյան փող. 12, բն. 12) Վարչական իրավախախտումների վերաբերյալ Հայաստանի Հանրապետության օրենսգրքի 157.2-րդ հոդվածի 1-ին մասի հատկանիշներով տալ նախազգուշացում:

Մամիկոն Ասլանյանը միևնույն ժամանակ նախազգուշացվում է, որ նույն արարքը, որը կատարվել է վարչական տույժի միջոցներ կիրառելուց հետո՝ մեկ տարվա ընթացքում՝

առաջացնում է տուգանքի նշանակում համայնքի ղեկավարի նկատմամբ՝ սահմանված նվազագույն աշխատավարձի երկուհարյուրապատիկի չափով:

Ծանոթություն.

Սույն որոշումը կարող է բողոքարկվել այն սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում Տեսչական մարմին կամ ՀՀ վարչական դատարան՝ օրենքով սահմանված կարգով և ժամկետներում:

Տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Տուգանքի գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի՝ 900005001517 հաշվեհամարին:

Տուգանքի գումարը վճարելիս անհրաժեշտ է «նպատակը» դաշտում նշել որոշման համարը:

Լոռու տարածքային բաժնի
գլխավոր մասնագետ՝



ԱՇՈՏ ՆԱԼԲԱՆԴՅԱՆ